



Broj: 07/B-02-3-1014/19
Sarajevo, 24.07.2019. godine

Na osnovu člana 13. stava (2) Odluke o obukama u oblasti europskih integracija („Službeni glasnik BiH“, br. 50/18), Direkcija za europske integracije donosi

ODLUKU

o razradi kriterija za ocjenjivanje prijave predavača na Javni poziv Direkcije za europske integracije 2019. godine

Član 1.

(Predmet Odluke)

Ovom Odlukom razrađuju se kriteriji iz člana 13. stava (1) Odluke o obukama u oblasti europskih integracija („Službeni glasnik BiH“, br. 50/18), za svaku obuku posebno, te se utvrđuju podkriteriji za ocjenjivanje prijave predavača, maksimalno potreban broj predavača za svaku obuku, kao i dokumentacija i način kojim se dokazuje ispunjavanje traženih uslova.

Član 2.

(Razrada kriterija i utvrđivanje podkriterija)

Kriteriji iz člana 13. stava (1) Odluke o obukama u oblasti europskih integracija („Službeni glasnik BiH“, br. 50/18) razrađuju se na slijedeći način:

- (1) Kriterij: *Radno iskustvo na poslovima u oblasti europskih integracija koja je predmet obuke - najviše pet bodova*, razrađuje se na osnovu podkriterija:
 - a) radno iskustvo u trajanju od najmanje 1 godine, a kraćem od 2 godine - 1 bod;
 - b) radno iskustvo u trajanju od najmanje 2 godine, a kraćem od 3 godine - 2 boda;
 - c) radno iskustvo u trajanju od najmanje 3 godine, a kraćem od 4 godine - 3 boda;
 - d) radno iskustvo u trajanju od najmanje 4 godine, a kraćem od 5 godina - 4 boda;
 - e) radno iskustvo u trajanju od 5 i više godina - 5 bodova.
- (2) Kriterij: *Simulacija obuke pred Komisijom, uključujući i dostavljanje koncepta prezentacije i materijala za distribuciju polaznicima, vježbi i testa provjere znanja ukoliko je predviđen obukom - najviše četiri boda*, razrađuje se na osnovu podkriterija:
 - a) prezentacijske vještine - najviše 2 boda;
 - b) sadržaj koncepta prezentacije i materijala za distribuciju polaznicima, vježbi i testa provjere znanja ukoliko je predviđen obukom, pripremljen i izveden u skladu sa silabusima za svaku obuku posebno koji čine Aneks ove Odluke - najviše 2 boda.

(3) Kriterij: *Predavačko iskustvo u pripremi i realizaciji obuke u oblasti europskih integracija koja je predmet obuke - najviše tri boda*, razrađuje se na osnovu podkriterija:

- a) predavačko iskustvo od ostvarenih 1 do 2 predavačka angažmana - 1 bod;
- b) predavačko iskustvo od ostvarenih 3 do 4 predavačka angažmana - 2 boda;
- c) predavačko iskustvo od ostvarenih 5 i više predavačkih angažmana - 3 boda.

(4) Kriterij: *Završena obuka predavača u oblasti europskih integracija koja je predmet obuke - najviše dva boda*, razrađuje se na način da se završena obuka za predavača vrednuje sa dva boda, ukoliko ista korespondira sa nazivom ili sadržajem pojedinačne obuke iz silabusa Aneksa ove Odluke, za koju se kandidat prijavljuje.

(5) Kriterij: *Završen poslijediplomski studij u oblasti europskih integracija koja je predmet obuke - najviše jedan bod*, razrađuje se na način da se završeni poslijediplomski studij vrednuje sa jednim bodom, ukoliko isti korespondira sa nazivom ili sadržajem pojedinačne obuke iz silabusa Aneksa ove Odluke, za koju se kandidat prijavljuje.

Član 3.

(Maksimalno potreban broj predavača)

Maksimalno potreban broj predavača za svaku pojedinačnu obuku određen je na slijedeći način:

- a) Pravo Europske unije - 15 predavača;
- b) Metode, načini i tehnike usklađivanja zakonodavstva - 15 predavača;
- c) Europska ekonomska integracija - 10 predavača;
- d) Strateško planiranje u kontekstu programiranja IPA II - 15 predavača;
- e) Upravljanje projektnim ciklusom i priprema projekata za potrebe IPA II - 18 predavača;
- f) Priprema specifičnih dokumenata za korištenje IPA II: proces pripreme, svrha i karakteristike dokumenta - 14 predavača;
- g) Prevođenje i redaktura pravnih propisa u procesu europskih integracija - 8 predavača;
- h) Vještine izvještavanja za potrebe procesa europskih integracija - 15 predavača;
- i) Komuniciranje o procesu evropskih integracija - 7 predavača;
- j) Vještine komunikacije i pregovaranja u procesu europskih integracija na engleskom jeziku - 9 predavača.

Član 4.

(Dokumentacija i način kojim se dokazuje ispunjavanje traženih uslova)

Dokumenti koje je potrebno priložiti u originalu ili ovjerenj kopiji kao dokaze o ispunjavanju kriterija i podkriterija:

- a) Dokaz o ostvarenom radnom iskustvu na poslovima u oblasti europskih integracija koja je predmet obuke: Potvrda ili uvjerenje poslodavca/organizacije kod koje je radno iskustvo ostvareno, sa podacima o periodu angažmana i opisu radnih zadataka i